



15485

III

Mag. St. Dr.

Mag. St. Dr.

crimostaviense

3485 P. cuvo.

Decretum Tribunalitium contra donationes

Mag. St. Dr.

Collegio Crimostaviensi factas.

1722.

Mf 1120

DECRETUM²³⁹ TRIBUNALITIUM,

contra

Donationes Collegio Crasnostaviensi
Societatis JESU factas.

15485 III

*Actum Lublini in Judicijs Ordinarijs Generalibus Tribu-
nalis Regni, Feriâ Secundâ in Crastino Festi, Sanctissi-
mæ & Individuæ TRINITATIS, Anno Domini Mil-
lesimo, Septingentesimo Vigesimo Secundo.*

IN Causa, & Actione Judiciaria infrascripta, primùm
coram Castrensi Capitaneali Ostrzeszoviensi Executo-
riali Officio vertente, & agitata, deinde ad præsens
Ordinarium Generale Tribunalis Regni Lublinense Judi-
cium devoluta, idq; per Remissionem infrascriptam, ab
eodem Executoriali Officio factam; Cujus ex Actis Ca-
strensibus Crasnostaviensibus authenticè depromptæ, Te-
nor sequitur ejusmodi. Actum in Castro Crasnostavien-
si, Feriâ Quartâ post Festum Sancti ANDRÆ Apostoli
proximâ, Anno Domini Millesimo Septingentesimo Vi-
gesimo Primo, ad Officium & Acta præsentia, Castrensis
Capitanealia Crasnostaviensia personaliter veniens, Gene-
rosus Albertus Krokowski obtulit, & ad acticandum Of-
ficio eidem porrexit, Remissionis Actum in Bonis infra-
scriptis, per Generosum Stanislaum Bohutz Traczewski,
Officij Castrensis Ostrzeszoviensis Subdelegatum juratum,
Actum introcontentum expeditum, manuquè Generosi

A

Sub-

Subdelegati propriâ subscriptum, de tenore eo, qui sequitur talis. Actum ante Portam occlusam Curiae Bonorum, Villarum Orłow, Wola Orłowska & Wał, Illustris & Magnificae Anastasiae in Mirow Marchionissae Hæreditariorum, Possessionis verò ad præsens, Religiosorum Patrum Jesuitarum, Collegij Crasnostaviensis subjectorum, Feriâ Quartâ post Festum Sancti ANDREÆ Apostoli proximâ, Anno Domini, Millesimo Septingentesimo Vigesimo Primo: Ego Stanislaus Traczewski, Officij Castrensis Ostrzeszoviensis Subdelegatus Juratus, ad requisitionem Illustris & Magnificorum, Michâélis in Zakliczyn, & Anastasiae in Mirow Marchionissae Myszkowska Jordanow, Palatinorum Bracławiensium, Conjugum Legitimorum, Decreti; præsentis, seu potius Lucri Contumacialis exhibitionem, evincendoq; Officium Magnifici Capitanei mei à rigore in eodem Decreto appposito, vigore Condemnationis pænæ Bannitionis perpetuæ, Lublini in Judicijs Ordinarijs Generalibus Tribunalis Regni, Die primâ Decembris, Anno Millesimo, Septingentesimo Vigesimo Primo, in Lucro Cassatarum quarumvis Condemnationum, uti contra præscriptum Legum recognitarum, ac scripti super Summam Viginti Millium florenorum polonicalium dati, necnon in Lucro deoccupationis Bonorum, Orłow, Wola Orłowska & Wał, atq; solutionis ejusdem Summæ, Viginti Millium florenorum Polonicalium, & in Lucro faciendi de perceptis Proventibus calculi, ac restitutionis eorundem, ac Inventarij, tam ex Bonis Dub, ad eadem Bona de Orłow depulsi, quàm etiam, in hisce Bonis præventi, ex Instantia supra expressorum Illustris & Magnificorum Jordanow, Palatinorum Bracławiensium, Conjugum, super Religioso & Admodum Reverendo Alberto Starzyniki, Collegij Crasnostaviensis Rectore, totoq; Collegio Crasnostaviensi Societatis JESV obtentæ, & ad Bona prætacta Orłow, Wola Orłowska, & Wał, Die in Actu contento con-

de-

241
descendi, ibidemq; in praesentia Generosorum ac Nobilium
Alberti Krokowski, Illustrium & Magnificorum Palatino-
rum Bracławiensium Aulici, Alberti Zarzycki, Simonis Po-
lewinski, eorundem Bonorum Orłow Administratoris, &
Laboriosorum Stephani Onuszek, Alberti Kościelski, In-
fidelis Judæi Kopel Mandelowicz, atq; Famati Pauli Ba-
nuszkievicz, necnon Ministerialis Regni Generalis Providi
Jacobi Zielencki de Crasnostaw Authentici & jurati, in cu-
jus praesentia Officiosam meam Jurisdictionem fundavi,
denuò suprascripto Ministeriali Jacobo Zielencki, Actum
praesentem proclamare mandavi, ac Partes ad mei adven-
tum acclamare feci, ad Executionemq; praefati Decreti me
contuli, Bonaq; praedicta Orłow, Wola Orłowska & Waf-
urgente Generoso Alberto Krokowski tradere volui; verum
quoniam Generosus Simon Polewinski eorundem Bonorum
Administrator, nullâ Juridicâ ratione, solummodò igno-
rantia rerum, proferens hæc formalia, quòd sine Consensu
Collegij Crasnostaviensis Societatis JESV, neminē in hæcce
Bona mittam, impugnavit. Ideò Ego visâ ejusmodi Im-
pugnatione, attentoq; Processu necdum sufficienter perdu-
cto, nè alicui Partium præjudicium inferre videar, rursus
pro finali disjudicatione Partes, ac Causam praesentem
cum toto ejus effectû, ac Impugnatore remisi, praesenti-
busq; remitto; conservando Partibus ex Registro quolibet,
nullo penitus excepto, etiam simplici præciso Arresto, Termi-
nū peremptorium, Actûs praesentis vigore. Stanislaus Bo-
husz Traczewski, Officij Castrensis Ostreszoviensis Subde-
legatus Juratus, manu propria. Originale verò ejusdem
Actûs Remissionis, circa Acta Officij praesentis remansit:
Ex Actis Castrensibus Capitanealibus Crasnostaviensibus,
depromptum: Correxerit Kobylański manu propria: Locus
Sigilli Castri illius: pro cujus cassatione Condemnationis
vigore, cujus Executio peracta est, Citatio infra scripta in-
tercessit, in tenore verborum, qui sequitur ejusmodi: AV-

242 GVSTVS II. DEI Gratiâ Rex Poloniæ, Magnus Dux Lithvaniæ, Russiæ, Prussiæ, Masoviæ, Kijoviæ, Volsyniæ, Podoliæ, Podlachiæ, Smolensciæ, Samogitiæ, Livoniæ, Severiæ, Czerniechoviæquè, necnon Hæreditarius Dux Saxoniarum, Princeps & Elector. Vobis Instigatori Judicij Tribunalitij Regni Lublinensis ex Officio Instigatoriatûs Tui, tum Illustri & Magnificæ Anastasiæ Gonsagæ Marchionissæ in Mirow Myszkowska, Illustris & Magnifici Michæelis à Zakliczyn Jordan, Palatini Bracławiensis, Ostrołęcensis, Dobczycensis Capitanei, Consorti Legitimæ, Parti adhærenti, de Personis, Bonisquè Tuis generaliter omnibus mandamus, ut coram Judicio Nostro Ordinario Generali Tribunalis Regni Lublinensi, à positione præsentis Citationis, tum, dum, & quando Causa præsens ex Registro sibi competenti ad judicandum vocata inciderit, legitimè, peremptorièquè compareatis; Ad Instantiam alterius Instigatoris Judicij nostri, ejusquè Delatorum Religiosi & Admodum Reverendi in Christo Patris Alberti Starzynski, Collegij Crasnostaviensis Societatis JESV Rectoris, ac totius Communitatis ejusdem Collegij Actorum cassandæ, qui Actores citant vos, & quidem Te cum præfati Illustris & Magnifici Mariti Tui, uti Tutoris Conjugalis authoritate & assistentiâ, ad videndum & audiendum Condemnationes quasvis, super se Actoribus in Judicio Tribunalitio Regni Lublinensi, aggravatoriè & indebitè contra Leges Regni, ex Registris incompetentibus obtentas, tolli, cassari, & annihilari, nullitatisquè vitio subijci debere declarari, modernos Actores, ad pristinum Honoris gradum restitui, & redintegrari. Te verò Pars adhærens, ratione indebitæ vexæ, & injusti Litigij pænis condignis puniri, & ad refusionem damnorum per meram vexam causatorum stringi; Citamini sitis parituri & judicialiter responsuri; Datum Lublini Sabbatho in Vigilia Festi S. THOMÆ Apostoli, Anno Domini Millesimo Septingente-

gentesimo Vigesimo Primo. In Termino itaq; hodi-
erno, vigore præinsertæ Remissionis, ipsiusq; Terminum con-
servationis ac præsentium Iudiciorum Ordinationis, legiti-
mè ad præsens incidenti, & proveniente, Parte utraq; Il-
lustribus & Magnificis Jordany Palatinis Bractaviensibus
Conjugibus Actoribus, per Generosum Stanislaum Tra-
czewski, & Collegio Crasnostaviensi Societatis JESV cita-
to negotij, & Actore cassandæ, per Religiosum, & Admo-
dum Reverendum Adamum Stokowski, Generalem Pro-
curatorem Causarum utriusq; Provinciæ, Magnifica Slo-
niewska Actrice & Indicante, per Generosum Paulum
Kintlewicz, coram Iudicio præsentem comparente, & judi-
cialiter controvertente; Iudicium præsens Ordinarium
Generale Tribunalis Regni Lublinense; Quoniam per re-
productum anterioris Iudicij sui Decretum, Regestrum
seculare Causæ huic agnitum, & experimentum injunctum
fuisse probatur; Idcirco adhærendo eidem Iudicij antea-
cti Decreto, Partibus ex Regestro præsentem Causam pro-
sequi mandat. In proseguendo Foro competenti Causæ
huic adinvento, Partibus procedere injungit: in proce-
dendo; resolvendo Remissionem ab Officio Castrensi
Ostizeszoviensi Executoriali, ex Fundo Bonorum Orłow
ad Iudicium præsens factam, tum & Citationem ad cas-
sandam editam, decidendo, Controversijs Partium utra-
rumq; in Iudicium suum prolixè illatis exauditis, ac be-
nè perpensis; Quoniam Donationes binæ, tam Prima
earum Crasnostaviæ Feriâ Secundâ in crastino Festi Sancti
LAVRENTII Martyris, Anno Domini Millesimo Septin-
gesimo Quarto, coram Iudicio quidem, sed non pleno
Terrestri Chelmski; quàm & altera Lublini Feriâ Quar-
tâ pridie Festi Sancti ÆGIDII Abbatis, Millesimo Se-
ptingentesimo Decimo Secundo Anno, non coram Ter-
restri Iudicio, contra præscriptum & Dispositionem Legis

244 publicæ, per olim Illustrẽ Magnificũ Raphælem Sarbiejowski, Castellanus Bracławiensẽ, Collegio Crasnostaviensi Societatis I E S V, non pro nova de radice erigenda Fundatione, in præjudiciũq; Dispositionis & utilitatis publicæ, ac alienationem Bonorum Terreſtrium factæ & recognitæ, per Successoresq; reclamatæ esse probantur. Idcirco Legibus Regni adhærendo, prospiciendoq; publicæ, & Dispositionum Terreſtrium securitati; Donationes easdem utraq; ex rationibus præmissis, non posse subsistere sententiat, iisdemq; cassatis, Successores ejusdem olim Illustris Magnifici Sarbiejowski Castellani Bracławiensis, modernos Actores in Ius plenum naturæ restituit; necessariamq; esse deoccupationem Bonorum Villarum Orłow, Wola Orłowska, & Wał, in quatuor ab Actu præſenti Septimanis proximis, in præſentia Officiorum Caſtrenſium; pro parte Illuſtrium Magnificorum Jordanow Palatinorum Bracławienſium, Kijoviensis, seu Opocznenſis, ſive Beſzenſis, vel Grabovecenſis; pro parte verò Collegij Crasnostaviensis Societatis I E S V, Caſtrenſium, Crasnostaviensis seu Cremenecenſis, per Religiosos Patres Societatis I E S V ejusdem Collegij, præcluſo quovis de Proventibus perceptis reddendo Calculo, subsequendam cenſet, quæ Officia unius duorumvè aut plurium, ex Generosis Officialibus absentia non obſtante, dummodò unus à quavis Parte Officialis adſit, pro illo tempore, in Fundum prænominatorum Bonorum Orłow cum attinentijs ſupraſcriptis, ſub pæna Bannitionis condeſcenſura, mutuo Partium ſumptu conducenda, ante omnia Bona ſupraſata Orłow, Wola Orłowska, & Wał, per Religiosos Patres Societatis I E S V deoccupanda, in realem & actualem Poſſeſſionem Hæreditariam Partis Actoreæ, Illuſtrium duntaxat & Magnificorum Palatinorum Bracławienſium Conjugum, cum omni eorundem Bonorum
rum

rum usufructu, ac obedientia subditorum, tradent & di-^{245.}
mittent. De reparatione & conservatione eorundem
Bonorum, præviâ si opus fuerit Inquisitione indagabunt,
si & quanta apparuerit, Compensationem in ibidem præ-
standam injungent; onera, si quæ per Collegium Cra-
snostaviense ex ijsdem Bonis deportata & census, à sum-
mis ijsdem Bonis inhærentibus persolutos liquidabunt,
& restitutionem per Illustres Magnificos Iordany Palati-
nos Bractavienses subsequendam demandabunt, Partes
disjudicabunt, & præmissa omnia finaliter præcisâ Ap-
pellatione exequentur, cui Partes decisioni parere & ac-
quiescere omninò debebunt & tenebuntur. Facturæ
sunt præmissa sub pæna Bannitionis perpetuæ, quæ ex-
nunc decernitur & Terminus publicandæ illis coram
Officijs Condescensorialibus, per Iudicium præsens præ-
figitur & conservatur peremptorius. Luita ad præsens
per Partem utramquæ pæna Quatuordecem Marcarum
Polonicalium, per Partem Parti compensanda, & Iudi-
cio suo totidem instanti sub pæna Bannitionis, ex Re-
gestro pænalium publicanda solvenda. Quantum verò
spectat Summam Viginti Millium Florenorum Poloni-
calium vigore scripti manualis, Anno Domini, Mille-
mo Septingentesimo Decimo Quinto conscripti, per Il-
lustrem olim Magnificum Castellatum Bractaviensem
dati, per Collegium Crasnostaviense levatam, siquidem
eadem Summa ex substantia Mobili, liberè & licitè per
olim Illustrem Magnificum Castellatum Bractaviensem in
rem Convictûs pro Nobilibus Pauperibus, tum & Capella
Musices, disposita & applicata esse deducitur; idcirco Judi-
cium præsens, tam cassationem ejusdem scripti, quàm resti-
tutionem Summæ suprafatæ, Viginti Millium florenorum
Polonicalium Partem Actoream non posse prætere senten-
tiant, Partemq; citatam Collegium Crasnostaviense à Cau-

246^a sa & Impetitione quavis Iudicium idem liberum facit, & pronuntiat, in sublationem verò Condemnationis Tribunalitæ super se obtentæ decernit Iudicium hocce, quatenus Religiosi in Christo Patres Societatis IESV Collegij Crasnostaviensis Vadium Capitaneale simplex, Parti in Termino Condescensionis superscriptæ, sub Approbatione ejusdem in ibidem, & Iudicio suo totidem in instanti sub pæna Bannitionis ex Registro pænalium publicanda solvant.

Correxit Fankowski.

*Casimirus Silvester Suffczynski, Notarius
Terrestris Lublinensis.*

Locūs Sigilli.

Legit Tomaszowski.

Biblioteka Jagiellońska



std:0022371

